



Notat

Til
Kopi til:

Fagforbundet Vaksdal, Randi Solveig Pedersen

Saksbehandlar: Rådmann/Åse Elin Myking
Vår referanse: 14/654 - 17/8215 / FE - 033, FA - M80
Dato:

Emne: Drøftingsmøte med Fagforbundet om ev brannsamarbeid med andre kommunar - referat frå møte 21.09.2017

MØTE: Drøftingsmøte etter HA del B §§1-4-1, 1-4-3 og §3-1c) om oppstart av dette arbeidet.
Partar: Fagforbundet v/HTV og Vaksdal kommune v/rådmann og HR leiar

Drøftingsgrunnlag sendt ut med innkalling:

Med bakgrunn i rekrutteringsvanskar til brannsjefstillinga, manglande godkjenning frå DSB og nye krav til kompetanse og stillingar innan brannvern må kommunen vurdere samarbeid med andre brannvesen. Det vert kalla inn til drøftingsmøte etter HA del B §§1-4-1, 1-4-3 og §3-1c) om oppstart av dette arbeidet.

Brev frå DSB inneheld personopplysningar og er unntatt offentlegheit, det var difor ikkje sendt ut, men lagt fram i møtet.

Fagforbundet har deltatt i rekrutteringsprosessen og er kjent med resultatet der. Rådmann orienterte om status for brannsjefstillinga og svara frå Dsb. Einingsleiar og rådmann har hatt telefonmøte med Dsb om korleis kommunen bør forhalde seg til dette. Dsb orienterte om arbeidet med ny dimensjoneringsforskrift og at det truleg vert krav til minst to heiltdsstillinger i alle kommunar knytt til brannsjef og førebygging.

Fagforbundet hadde håp om at det var mogeleg å få til ei løysing med lokal brannsjef. Etter svaret for Dsb er dei inneforstått med at dette vanskeleg let seg gjere. Dei ber om at det også blir vurdert om ein kan få til overgangsløysingar med Voss. Dette har også kome fram frå mannskapet og rådmann vil vurdere dette. Varsla krav i dimensjoneringsforskrifta gjer ei slik løysing mindre aktuell. Framlegget frå Dsb var venta i november, men det kan verte utsett til desember.

Fagforbundet er opptatt av å få ei god koordinering opp mot mannskapa og meiner at løysinga med koordinator blir viktig. Dei viser til at brannvesenet lenge har hatt ein uavklart situasjon i forhold til brannsjefstillinga og meiner det no er viktig å snarast mogeleg finne ei god og stabil løysing for framtida.

Rådmann orienterte om møtet med Bergen brannvesen og at dei hadde meldt tilbake at dette var aktuelt for dei frå 2018. Erfaringar frå Samnanger og Osterøy kommunar vert og henta inn. Vaksdal og Osterøy har snakka saman om det ev er mogeleg å samarbeide om koordinator, dette er forhold

ein ev må sjå nærare på. Osterøy har hatt 20% koordinator, dette har vore for knapt. Vaksdal meiner det er ein fordel om koordinatorstillinga kan vera inntil 40%, særleg vil det være viktig i starten.

Framdriftsplan for prosessen vart gjennomgått.